

lv

Georg 948



Georgs-B.

4.5.5

7 6

**Welche bücher
heilig vñ Biblisch seind.**

**Diz büchlin leret vnder/
scheid zwüschē Biblischen büchern vnd vnbib-
lischen/darinnen vil geirret haben/vnd
noch irren. Darzū weist das büch-
lin welche bücher in der Biblien
erstlich seind zū lesen.**

**Andres Bodenstein von
Carolstat/ Doctor.**

Dem erfamen vnd namhaff-
tigen Wolffgang Sturzen/Burger vnd Bergmeister
in S. Joachims tal/wunsch ich Andres Bodenstein
gesuntheit vnd wolleben in Christo/mit ans-
bietung meiner willigen diensten.



Er famer günder vnd
fürderer/Si weil ich euch als ein lieb
haber/reiner Christlicher warheit(so in
Biblischen büchern ingeleibt)in eigener
person/vn auch durch eüwer günder(der ir nit wenig/
vmb eüwer dienst/leutseligkeit/vnd güteit/habt er-
langt)vermerckt vnd erkant/hab ich allen Christen/
sonderlich euch zu güte vnd eren/ein kurz anzeig vn be-
richtung thun wollen. Vff das ir eygentlich sehen vnd
versteen müge/welche bücher/in der Biblien warhaff-
tiglich Biblische vnd Götliche bücher/vnd widerumb
welche vnbiblisch seind. Item welche zu ernst/vnd wi-
der starcke gewapente seind für zuwenden. Widerumb
welche allein den hauffen gemeren/vn züschimpff oder
wider blasse einfaltige kriegere(also Barfüßer holzschü-
ger seind)dienen. Das thü ich derhalben/das euch die
grawe gesellen/vnd andere kessieger/nit an der seel be-
schadigen/wie sy sich an eüwern gütern/gesuntheit vn
leben/vorzeiten/züwertzen vnderstanden haben. Ich
hoff ir werdēt mir nicht verärgern/dan der würdig herr
vnd meister Johan Sturz/eüwer brüder(der anherr/
den rechten Christlichen glauben zü lernen)gekommen/
hat mich vertröst/das euch dises züschreibē/zü keinē vn-
gefallen gereichen würd. Samit got befolhe. Datum
eilung/Wittemberg Sontags nach aller heiligen/Im
iat. M. D. xx.



in so
Chr
vff a
scher
gew
Eure
man
auch
lassen
vff d
die in
ter fe
(in) d
les v
bedar
script
in fer

En
nonic
ysi/di
satz ge
selbe f



haff-
egmeister
denstein
ans

vnd
einē lieb
heit (so in
in eigener
t wenig/
habt er
Christen/
ig vñ be
ehen vnd
warhaff
iderumb
vnd wis
iderumb
pff oder
holzschü
euch die
er seel be
rtheit vñ
ben. Ich
edig herr
anherr/
komme/
keine vñ
Datum
gen/Im

Worred.



Nach dem yetz wie
ich berichte/neüw vnd teütsche Bib
lien/sollen getruckt werden/vnd al
le Christen geistliche vnd leyhen/ge
lertē oder vngelerten/die heylige
schrifft/zü lesen oder hören lesen (vñ
in solchem fleiß) schuldig seind/das sy widerüb andere
Christen leren mügē vnd wöllen/hab ich obgenanter/
vff anregen vnd begerung etlicher gotforchtiger mens
schen/allen vnd yeglichen Christen/alten vnd iungen/
geweichten vnd vngeweichten/männer vñ weiber/ein
kürze vnderichte thün wöllen. Welche bücher/on ye
mannts widerred/Götelich vnd Biblische seind/welche
auch widerüb von etlichen nit angenömen oder züges
lassen. Samit der frum vnd getrew diener gottes/sich
vff die allerbest schrifft legen müg/vnd der lere obligen
die inen/durch alle ketzerische seind tragen/vnd auß al
ter ferligkeit brengē mag. Vnd das er (wie ein klüg lein
lin) die best weid erstlich sūchē kan. Aber ich wil das al
les vffs kürzt versuchen. So yemāts weiter berichtüg
bedarf oder begert/der lese mein latynisch Büchlin de
scripturis Canonicis intitulirt vnd genennet/das wirt
in ferer sūren vnd verstendigen.

Biblisch bücher des alten testamēts.

In dem alten gesatz/seind nachgeschribē bücher Ca
nonici/das ist/götelich oder biblische/sünff bücher Mo
ysi/die selben.v. bücher seind zeiten von Christo das ge
satz genant. Vnd die Juden nennen auch noch heut die
selbe sünff bücher/das gesatz/hebraisch thora.

A ij

¶ Darnach machen sy/ die Jude (vnd ist also bey den geleerten Christen in Übung vnd gewonheit) die andere ordnung der Propheten/ nemlich diser bücher.

Josue. 1. Zum ersten zele sy vnder den prophete Jesum ein sun Name/ das ist/ das buch Josue.

Judith. 2. Darnach das buch der richter/ zu dem selben hecken
Ruth. sy das büchlin Ruth.

Samuel. 3. An die dritt stelh ordnen sy Samuel/ das ist/ das erst vnd ander buch der künig.

Büch der künig. 111f. In die vierd stat setzen sy das buch der künig/ dz seind die zwey letzte bücher der künigen.

Esaias. v. An das fünfft glid/ stellen sy Esaiam.

Hiere. vj. Hieremiam in das sechst.

Ezech. vij. Die sibend statt geben sy Ezechiel.

rij. klein prophetē Vnd die achte stelh behalten die. xij. Klein propheten/ die ein büchlin bey den iuden seind besizen vñ in haben. Dese bücher heissen prophetische/ so in diser andere ordnung begriffen.

¶ Die dritt ordnung götlicher bücher.

Die dritt ordnung begreiff bücher/ der ihene so die in den/ heilige schreiber/ od heilige lerer genent habē/ wie wol sy etliche lerern auß den selben/ als David/ Moysi vergleichen.

Job. 1. In diser ordnung steet das buch Job zūforderst.

David. 1j. Darnach David/ den sy mit einem psalmen buch beschliessen. Do auch zūmercken ist/ das die psalmen der ihenen seind/ der tittel sy haben/ welcher aber on überschriffte ist/ der selbig gehört zu den schreibern oder meistern/ die sich über negest vorgeenden psalmen geschriben. Ich weiß wol/ das Augustinus in der zal diser bücher vil anders redt/ dan Hieronymus. Ich weiß auch/ das er andre meynung hat/ von den psalmē/ aber ic soltent wissen/ das Hieronymus in disem sal/ Augustino

weid überleyt/vnd grösser zu achten/vnd Hieronymo
auch nach zu folgen ist.

Es ist auch so offenbar/das der heilig Augustinus ge
irret/das einer greiffen könd/vñ wir mügen ye nit leug
nen/das er geirret.

In yetz obangezeigter ordnung haben drey bücher
Salomonis.

Die dritte stelh/nemlich Proverbiorū aber Beyspilen
oder gemeiner reden.

Zu dem vierden/das büch Ecclesiastes.

Zu dem fünfften/das büch Canticum canticorū.

Zu dem sechsten Daniel.

Zu dem sibenden Paralipomenon.

Die acht starr behelt Esdras/nemlich sein zwey erst

Anneiinder stelh steet Hester.

Vnd also zelen sy nit mer/dan. xxiij. bücher des alten
gesatz/aber vff das aller meinst. xxiiij. so mā die bücher
Ruth/vnd der Trehen Hieremie sonderlich abzelen wil.

Alle bücher die vnser bücher dem altē gesatz zu schrei
ben/vnd seind nicht in obgemeltē ordnungē begriffen/
die seind nit von allen glaubigen angenommē/vnd für
Gödelich oder Biblisch schrifft gerechnet. Ja ich sag frey
mit sant Hieronymo/sy seind Apocryph/das ist vnbe
kante autoriteten/vnd habē kein Biblisch heiligkeit.
Darauf folgt/das Augustinus vil bücher zele/vñ für
heilig schrifft achtet/die doch nit für heilig schrifft soltē
gezelet vnd geschetzt werden. Es ist auch vnnerborgen
allen den ihenen/so heilig schrifft des alten gesatz/oder
testamēts/in der sprach der Judē (vō welchen das alt
testamēt zu vns gekömen) lesen dz nicht mer/anch kein
andre bücher dem altē gesatz zugehörig seind/dan. xxiij.
oberzete bücher. Es sol auch niemants andere bücher
mit dem altē gesatz zele/dan die yetz obē vermeldt seint.

A iij.

Prover. 16.

Eccle. 115.

Cantl. v.

Daniel. 75.

Para. 115.

Esdras. 115.

Hester. 115.

Summa der
bücher.

Apocryph.

Manasse. Darauß folgt/ dz gebett oder Oracion Manasse nie
als heilig schrifft zu brauchen ist.

Itē/das die letzte zwey bücher (so Esdre durch irum
vnderscrieben) auch nit für heilig biblische schrifft sol-
len gehalten werden. Vnd sol sich niemants entsetzen/
so er in den heiligen lerern (als Augustino/ oder Ambro-
sio vnd der gleichen) obgenät bücher (neben heiliger
götlicher schrifft ingefüret) lesen würt. Dan wir müge
in disen zeiten schriften Augustini/ vnd seiner gleichen
auch infüeren. Aber wañ wir ir leringen/ als heilig bib-
lische schrifft/ vnd in solcher werden wölen gebrauchē/
so theten wir vnrecht/ vnd erzürnten den heilige Augu-
stinum hertiglich/ Das ich reichlich in dem büchlin von
vnderscheid heiliger geschrifft/ vñ heiliger lerern bewei-
sen werd/ wil gott/ vnd in obgedachtem büchlin de scri-
pturis Canonicis beweist hab.

Itē/ auß obuermelter ordnung folgt auch/ das das
Tobias. iij. büchlin Tobie auch nit als heilige Biblische schrifft/ in
dem alten gesatz beschloffen.

Itē das Judith auch nit zu dē altē gesatz geteilt ist.

Sapientie. viij. Dergleichen nachgeschribē bücher/ nemlich das buch
Eccle. viij. Sapientie/ Ecclesiastici/ zwey bücher Machabeorū/
Machabeorū. viij. Itē Baruch/ Die zwey letzte capitel Danielis/ vnd ein
Dani. ix. gut teil Danielis in dē. iij. capitel/ nit götlicher schrifft
seind. Dann der bücher vnd gedachte capitel/ ist keins
vnder den büchern des alten gesatzs geschriben.

Ich glaub wol/ vnd gestee/ das die Juden der selben
ein teil yetz (wie wir die Christliche lerer) habē/ aber in
der Biblien steen sy ye nit verzeichent/ es sol sy auch kei-
ner würdigen als die Biblische bücher.

Vnder disen büchern yetz erzelt/ die vnbiblische verur-
teilt/ vñ in Hebraischē biblien nit verschloffen/ sol doch
vnderscheid der Apocryphen bücher gehalten werdē/ als
dieser.

Uide de scri-
pturis Cano-
nicis.

Judit. v.
Sapie. viij.
Eccle. viij.
Machabeo-
rum. viij.
Dani. ix.

Da
heilig
Se
die zu
dem a
W
schrib
ist nie
büche
gelese
(die h
den w
schriff
Bibli
schriff
gustin
stomi
vnd g
geeret
heilig
vnd g
Also
liche i
Sym
her od
Aug
seind v
rer ler
schriff
wol er
chen v
ants d
vürte h

Das die zwey letzte bücher Esdre ye vnd ye / für kein Esdr. 3. et. 4.
heilig Biblische schrift gehalten seind.

Vergleichn ist das gebett Manasse vnd Baruch vñ
die zwey letzte capitel Danielis / von der Susanna vñ
dem abgot Bel / vnd drachen / vnd von Abakuck.

Wiewol in yetz gemelten büchern / nicht wenig ge-
schriben steet / das niemäts verneynen darff / Sannoch
ist niemant gezwungen / die sentenz vnd wort der selbē
bücher anzunemen / derhalbē das sy in solchen büchern
gelesen werden / Sondern derwegen / das sy in andern
(die heilig gödtliche schrift genant) auch mögen gefun-
den werden. Derhalbē ist erstlich zumercken / das vil
schriften in heiliger kirchen gelesē werde / die doch nit
Biblich vnd gödtlich gewest / vñnd noch yetz nit heilig
schrift seind. Dañ es werden sprüchen vnd reden (Aus-
gustini / Hieronymi / Ambrosij / Gregorij / Bede / Chryso-
stomi / Cyrilli / latinischer vñ kriechischer lerern) gelesē
vnd gesungen. Die sich gar nicht wöllen als Biblische
geeret haben / oder das wir ir bücher oder scharfften der
heiligen gödtlichen schrift vergleichen / aber Biblische
vnd gödtliche sollen halten.

Also liser die Christliche kirch mächerley bücher / yetz Abingder
Kirchen.
liche in eigener krafft / vnd in seiner macht vnd werden.
Sy machet auch durch iren gebrauch / kein schrift hö-
her oder mer würdiger / dañ sy in ir selber ist.

Augustinus vnd Hieronymus (vñnd der gleychen)
seind wol heilig Chüstlich lerer / ir Homilien vnd ande-
rer lerern / liser die kirch / Aber sy helte sy der Biblischen
schrift vngleich / vñ vnuergleichlich geringer. Vnd ob
wol etliche doll München / gedachte lerer / so groß ma-
chen vnd scherzen / sprechend / das iren lerungen nyem-
ants darff widersagen. Jedoch ist offenbar / wie ob bes-
rürte Doctores alle Christen / von sich / in die schrift /

füren/vnd spiechē/ Das sich ein yeglicher mensch in die
Bibliche schrifft einiglich vnd festiglich anhefften sol.
¶ Vnd das sy einer durch heilig schrifft teilen vñ straf
fen müg/ so befundē/ das sy götlicher schrifft gefelt hee
ten. Serhalben/ ob gleich die Christlich kirchen solcher
sprüchen vñnd reden/ heiliger leter/ reglich gebrauchet/
dannoch bleibē sy heilige doctores/ vñd ir bücher solche
heiligen/ den wir widersagen dörfen/ vñd werde nüm
mer mer Biblische.

Also sol ein yeglicher von den Apocryphen rebē/ das
sy vñd ein yeglich in seiner krafft vñ macht bleibē/ wie
wol sy die kirchen gebrauchet/ oder die heilige leter zeit
ten (iren sachen zu güte) infüren.

Darüb werden die zwey letzten bücher 2. die mindere
größer oder mer durch gebrauchung/ ta sy werden nym
mer mer den Biblischen gleichmessig.

Vnder den Apocryphen/ das ist die nicht in dem altē
gesaz (dauon ich yetz sag vñd handel) begriffen/ seind
etliche als die heilige bücher/ vñd für heilige angenom
men/ vñd doch nit götlich oder Biblisch geschert.

Nemlich

f. Sapientie ij. Judith
ij. Ecclesiastici iij. Thobie Machabeor.

Dise bücher vñd iren inhalt/ sol keiner/ als Biblische
halte/ aber er mag sy wol für alte heilige schrifft gebrau
chen/ wie einer sunst heiliger letern schrifft gebrauchet.

Vñd wie wol sy/ wie gemeldet/ nit als Biblische lere
seind zu achten/ dannoch rat ich niemants/ sy in leiche
fertigkeit vñd losen gemüt vñd spotheiten zu verwerf
fen/ vñd das sich keiner selber zu schanden mach/ Dann
es wer zu mal spörtlich/ dz du in dem büch der weißheit
verlachest/ das du mit aller ereceptung/ in bewerten
büchern Moysi oder Danielis/ aber der gleichen lesen/
annemē vñd küssen müssest.

Ich bekenn/das Hieronymus obuerzeygte bücher nit
so starck achtet vnd helt/das sy einen oder yemads der
feind/sellen vnd fahē vnd binden mügē/ dannoch sein
sy mer vnd mechtiger/den Hiero. August. vnd derselbē
gleichen lerer/Trigisch vnd latinisch.

Ich sag auch/das wir sprüchen gedachter bücher/
vnd sentenz/on ander bestendige Biblische red/wider
keinen feind werffen vnd für rücken sollen. Aber doch
mügen sy neben andern schrifften steen/den hauffen ge
meren vnd zieren/Dañ yderman würt bekennen/das
loblich (wiewol nit von nöten) so einer mit einem gros
sen vnd schönen heer hauffen zihen mag.

Die Kriegsknecht haben nit alle harnisch die im her. Exemplum
hauffen seind/dennest verwerffen sy nit die haubtleit.
Also ist es mit den schrifften in obbeschribnē ordnüg be
griffen/vnd den andern/so ausserhalb der selben ordes
nung/über vil iar vor Christ geburt gemacht vnnnd ge
braucht seind. Die Biblische seind die geschichte vñ ge
wapente sentenz/Aber die andre obuermelt seind bloß
nacker vñ schwach/ aber sy meren den hauffen/vñ dies
nen zū dem parat vnd vorsechtē nit übel. In dem parat
vñ vorschirmē pflegt mā schympff/spil/vñ lust zū habē.

Aber im kampf vnd ernstlichen streychen/ist kein sch
ympff/vnd gehören geschickter leit zūm ernst/dañ zū
dem spiel. Also ist es mit den schrifften Sapientie/vnd
der gleichen/dienen sy wol zū einem vorsechten vnd pa
rat/aber zū dem ernst/vnd kampf vnd wundē seind sy
zū schwach/Sy machen kein tödliche wunden/sy fahē
keinen feind/sy machē auch niemants zū einem kexer/
dero sy leugnet. Dan Hieronymus hat sich nicht dörs
sen vndersteen des büchs Sapientie/wider sein feind
on andere Biblische bücher/zūgebrauchē. Er hat alwe
gen geförcht/die kexer möchten das selb verwerffen.

B

Darumb er stets andie schrifft fůrgewend/vñ des selb
zu zier bey gezogen vnd vff der seyten gebraucht.

Ich sag nit das solche gering vnd schwach bůcher/er
logen sentenz inhalten (wie mich vñlleicht einer můche
vernemen) Nein/ich sag/das keiner fůr einen Ketzer ist
zu machen/dero solche bůcher nit annimpt/das halt ich
nach sant Hieronymi lere/das sy keine seind niderwerf
fen/bindem vnd gefenglich machen/vnd doch mer vñ
krefstiger seind/dan sant Augustini/Hieronymi/Am
brosij/vñ Gregorij/vñ der gleichē schrifft vnd leringen.

Das ist auch war/wan ich wider einen schreibē oder
mit worten fechten solt/der sich mit einer red Moysi/
Josue/der bůcher der kůnig oder eins Prophetē sentenz
geharnischt vñ bekleidet het/Vnd ich wolt in mit einer
schrifft/auf den bůchern/die nit in der zal altes testa
ments verzeichnet vñ mit gezelt seind/anfechten/das
er sich gar nicht gegē mir werē solt/er můcht mich auch
verachten/vnd mein argumēt achten/gleich als pfiff
ein gans/vnd pließ in an/dan es ist ye spůtlich/dz einer
gegen Gůtlicher vnd Biblischer schrifft/mit einer/die
nit fůr Biblisch geschetzt/streiten sol.

Darumb seind die/grosse doren/so menschen red vnd
sentenz (sy heissen Biblische/aber der heiligē lernern Au
gustini/vnd seiner gleichen/wort oder lere) wider Bib
lische grundfesten dōrffen fůrtragen.

Endlich sollen die lāyen/den ersten hunger vñ durst
nit auß den bůchern Sapientie/Ecclesiastici/Thobie/
Judith/vnd andern/welche in der zal alltes gesetz nit
ingelybt/lōschen vnd stillen. Das sol ir fleyß sein/das
sy Chriſtenliche geist/vnd ingent/auß denen bůchern/
forniren/speisen/vnd vffzihen/die an einiges mēchen
gegenred Gůtlich vnd Biblisch geacht/vnd das woltē
sy sich ye embsig befließen/vnd vor allen dingen sich vñ

gefe
ben
sch
sy vñ
CS
sch. ib
ir au
len vñ

Da
bůch
sy zu
vnd g
wir so
gebra

Ich
schen

Das y
en bel
ich/d
zwey
belan
te bůc

Fůr
obgen
noch l
redē t

CS
geme
vnd
Bibli
steend
biblisc
Bibli

geseyden/ des glaubens trage. Wan sy aber in dem glauben wol erwachsen vnd sich gnüglich auß Biblischen schriften bewart vnd bewapent haben/ als dan müge sy vnbiblische bücher durchlesen.

Das ich von den büchern obē in einer kleinē figur beschriben/ nemlich Thobie vnd der gleychen gesagt/ solt ir auch von nachfolgenden büchern vnd capiteln vnterhalten vnd halten/ ia darzu minder vnd geringer.

Dan wiewol/ vil güter vñ lieblicher sentenz/ in diesen büchern verleybt vnd ingehalten seind/ vnd die kirchen sy zu zeyten gebraucht/ dannoch bleyben sy vnbiblisch/ vnd gibt in heilig kirch/ kein grösser heiligkeit/ dan das wir solche bücher neben den andern/ in einen hauffen gebrauchen mügen.

Ich werd auch keinen nachlassen/ sich mit den latinischen oder teütschen Biblien zu weren/ vnd behelffen/ das yetz gemelte bücher vnd capitel/ in solchen Biblien beschlossē vnd begriffen seind. Dan für dz erst weiß ich/ das die Hebraische getruckten Biblien (den wir in zweyffeligen vnd dunckeln sachen) so das alt testamēt belangend/ zu glauben vnd nachfolgen schuldig/ berüretē büchlin vnd capitel nit haben.

Für das ander/ wiewol latinisch vñ teütsch Biblien/ obgenate bücher vnd capitel auch behaltē haben/ dannoch habē sy stets/ zeichē/ vnd ire verachtig in den vorredē Hieronymi auch gehabt/ das sy nit Biblisch seind.

Ich gib auch zu/ das Baruch vñ andre büchlin offte gemeldet/ vil sentenz vnd wort haben/ die auch götlich vnd Biblisch seind/ dannoch seind solche sentenz ye nit Biblisch/ derhalbē/ dz sy in solche vnbiblischē büchern steend/ sonst derhalbē/ das wir sy in vnuerrechtigen vñ biblischē büchern findē/ Sunst soltē all redē vnd sprüch Biblisch sein/ die in solchen büchern begriffen/ vñ doch

auch in der heiligen schrift gefunden werden/würt folgen/das wir vil spruch auß Vergilio vñ Duidio müße hören vñ annemen als Biblisch. Kürzlich/wil einer er haltē das ein schrift Biblisch/vñ mit ir (als Biblische) schliffen vnd brangen/so muß er sy on alle mittel auß einem Biblischen büch nemen vnd fürwenden.

Hester. Alhie sol auch niemāds nit wissen/das in dem büchle Hester/auch etliche sentenz vñ wort ingeleibt/die doch frömbd ingefürt vnd zūgefert seind/das würt meniglicher in dem .xj. .xij. .xij. vnd .xv. capitel vermercken.

Neüw Testament.

Das neüw testament mag auch in drey ordnung geteilt vnd gespaltē werden.

Oberste vñ fürtrefflichste ordnūg begreiff die Euāgelische bücher/die die heilige kirchē vier angenommen hat/dise/Euangeliū Matthei/Euangeliū Marci/Euangeliū Luce/vnd Euangeliū Johannis. Zū dieser ordnung gehören geschicht vnd hendel der Aposteln.

Marcus. Euangeliū Marci halten die alte vätter für einen kurzen begriff Matthei. Derhalben/das das Mattheus nach der leng vnd breid geschriben/das hat Marcus mit kurzem schreiben verneüwet vnd erzelt.

Euangeliū Marci würt von etlichen Euangeliū Petri genāt/die zweyffeln/ob es vō Petro/oder Marco gemacht. Aber ich bin durch Hieronymum bericht/das Petrus das Euāgelii Marci bestetiget hat. Das lest capitel Marci ist vnbiblisch/wie etlich sagen/wer weyter berichtung begert/der lese mein büchlin de scripturis Canonicis.

Actus das seind der Apostel handelūg od' geschicht/hat Lucas beschribē/d'halbē seint sy euāgelischmessig. Die andere Euangelia (als Nicodemi/das yetz ge-

druckt vmbher getragē würt vnd andere dergleichē/
seind nit Göttlich oder Biblische/ob sy gleich güte sey-
tens haben. Derwegen sollen die prediger vnd lesmei-
ster sich fürsēhen vnd besinnē/was sy den schäfflin Chri-
sti für weyd fürgeben/vnd vnderscheid zwüschen Bib-
lischen vnd vnbiblichen haben.

Andere Ordnung.

In die andere ordenūg/oder an das ander glied/stel-
len Christlich lerer die Epistel Pauli/aufgenōmen die
Epistel zū den Heb:ern. San dise Epistel ist in zeyten
des heiligen Hieronymi/nit von allen kirchen angenō-
men gewest/vñ steet noch in zweyffel/wer sy gemacht.
Aber alle andre sant Pauls Epistel/haben negst wir-
den/digniteten/vnd autoriteten/nach Euangelischer
maestet. Nemlich .i. zū den Rōmern. ij. zū den Corin-
thern .j. zū den Galatern .j. zū den Ephesern. j. zū den
Philipensern. j. zū den Colosensern. ij. zū den Thessalo-
nicē. Dise hat er zū Christlichen kirchen geschriben.

Paulus hat auch etliche zū seinen iüngern geschribē/
als. ij. zū Timotheo. j. zū Tito. zū Philemonen eine. So
haben wir in der Sūmen. xij. Epistel Pauli. Zū disem
glied gehören die ersten sant Peters vñnd sant Johan-
nes Episteln.

In der vnderste vñ letzte stell neüwest testamēt steen
volgende bücher. j. Epistel Jacobi/die andre Petri. ij.
letzte Johānis/vnd eine Jude. Item die epistel zū den
Hebreyern vnd Apocalipsis Johānis/Dise hab ich der
halben zūsamen geordnet/das vorzeiten gezweyfelt/
vñ noch für vngewiß geacht würt/wer oder welche sol-
che büchlin gemacht. Von sant Jacobs Epistel ist ges-
sagt/das sy ein ander gemacht/dero Jacobus genāt/
aber doch kein apostel ist/Derwegē sy von etliche Klein

geschezt/vnnd für vnbiblisch gerechnet. Aber ich weiß
mein gewissen nit zübewaren/so ich der gleichen sagt/
dann der Kriegisch tittel deutet vff den Jacobum/des
schriffte sich auch latinisch vnd kriechische lerer/als Bib
lische vnd heilsame geschriffte gebrauchten. Vnd spricht
Hieronymus (der vnß den zweyffel geleeret hatt) das
die selb Epistel Biblisch antworteten ynbehalten hab/
darzū nennen sy Hieronymus/Augustinus/vnd all an
dere/Canonicā oder catholicam. So hab ich auch nins
dett gelesen/das ein lerer seinen widersächern gestat vn
nachgelassen hat/solche Epistel züverachten vnd ver
werffen. Es hat auch keiner (so vil mir yetz bewußt) wi
der obgemelt Epistel dörsfen sagen/das etliche Pelas
gianer wider das büch der Sapientie geredt habē. Der
halben kan ich niemants raten (ob sy gleich in der vns
dersten stelb wanet) das er sy verwerff/oder schimfflich
handel.

Das ich von diser Epistel gesagt/das sol auch vō an
dren episteln/so im drittē glid verzeichet/verstandē sein.

Doch ist züwissen/das vnder allē büchern die dritt or
denüg Apocalipsis Johannis/das geringst ist/vrsach
das in zeitē Hieronymi vnd darnach vil Christen/das
selb büch noch nit angenommen.

Zü dem andern/dz der kriegisch titel nicht lautet Apo
calipsis Johannis Apostoli/sonder also/Apocalipsis
Johannis Theologi.

Für das dritt/das der stilus/red/vnd sermon/gemüt
vn art des büchs der heimlichē offenbarung der macht/
ing ni/vnd art vn schickligkeit (so in andern büchern
Johannis Apostoli) gespürt vnd vermerckt/meins be
dunckes fast vneinlich ist vnd nit gleich/yedoch wil ich
das selb/vn die andre bücher der letzten ordnüg nit ver
worfen habē/sonder/wie obuermelt/vnderscheid gebē.

Wi
vff
vrt
vnd
nem
darz
Can
bibli
schre
J
schw
lege
lire/
einē
geiß
rede
rs ist
vnd
licht
Klett
vor a
schrif
Kraff
len/v
nach
mir n
Chri
schrif
ten h
sagt
leuch
Flar
zū al

Wüert aber yemants die selbigē verwerffen/ der thū es
vff sein verlust oder gewin/dan̄ die weil wir kein andre
v̄kunt/den̄ schreiben Christlicher leter/ als Hieronymi
vnd seiner gleichē/haben. Vnd der selbig schreybt vnd
nent offtmals/die sibē epistel/Jacobi/Johānis/Jude
darzū auch die Epistel z. den Hebreern/Apostolicas/
Canonicas et catholicas/vnd Apocalipsim ein götlich
biblisch büch/kan ich dismal nicht fürüber vñ anders
schreibē/dz solch bücher biblisch/vñ v̄ vndste würdē sein.

Ich rath auch nyemandts/das er sich erstlich vff die
schwerste/dimckele vñ verdeckte bücher heiliger schrift
lege/vff das er sein arbeit vnd zeit nicht vnnützlich ver
lire/od̄ finsternuß durch finsternuß verkere/aber etwar
einē verstant thūn fassen der heilige schrift vnd heilige
geist (dero in der schrift/wie er vorzeitē durch mēschen
redt/noch redet vñ leret) zūwider vñ engegē sein. Dan̄
es ist kein neyn/das etliche bücher Allegorien/figuren
vnd verdeckte sententz habē/welche durch warheit vnd
licht (das man hin vnd her in der schrift findt) soltē er
klert vnd erleucht werden. Darūb sol der christlich leser
vor allen dinge Christū in v̄ schrift sūchē/das ist/solche
schriften lesen/die Christū mit seinem leiden/mit seiner
Krafft/mit seiner gütigkeit/mit seiner heiligkeit abma
len/vñ für die angē des lesers setzē/so kan er nicht irren/
nach dē Christus selbst gesagt/Ich bin dz liecht/vñ der
Christum vnd sein wort vor angē/so brichstu durch alle
schrift/vñ magst alle finsternuß erlichtē/wie er gebot
ten hat/sagende. Das ich euch in finster vñ geheim ge
sagt/das solt ir im liecht vñ vff techern predigē vnd er
leuchten. Derhalben/sollen sich die mēschen erstlich/vff
klar wort Christi legē/die selb innemē/vñ wie ein liecht
zū allen verborigē schriftē tragē vnd erleuchtē. Solche

Ad Gal. 11.

Qui seq̄t me
Jo. viij.

ich weiß
den sagt/
bum/des
als Bib
nd sprich
datt) das
ten hab/
nd all an
auch nina
gestat vñ
vnd ver
wüß) wi
he Pelas
abē. Der
n der vñ
imfflich

ch vō an
andē sein
te dritt or
t/vrsach
sten/das

iter Apo
ocalipsis

r/gemüt
r mache/
büchern
meins be
y wil ich
g nie ver
eid gebē

bücher obgemelt/ seind alle die ihen/ so den rechte war
hafftigen glauben haben. An die selbig/ das ist/ an das
wort Christi sollē sich alle christen/ vnd kein andre wort
anheffren/ vnd sich kein creatur daron lassen dringen/
Ob gleich ein Engel von hymel/ oder ein Apostel/ oder
Ad Sala. j. ein Papsst von Rom/ oder ein weiser der welt/ als ein
Theologus/ er sey Pfaff oder Mönch/ hochgelert oder
vnuerstendig/ heilig oder sündig. In summa/ er sol sich
nichts von dem wort Christi lassen abziehen. Derhalbē/
vnd damit/ das den Christlichen menschen lustig vnd
leicht werd/ wölt ich geraten haben/ das sy des morgēs
ein zeit klein oder groß/ in lesung oder anhörung/ heili
ger Euangelien/ Vnd nach mittrem tag/ oder abent es
sen/ ein zeit in der heiligen schrift/ ales gesez/ vertrybē
ia gewinnē. Nemlich zu dem ersten/ das einer frū Mat
thenn les oder höret lesen/ Vnd nach abent essen Deu
teronomiū Moysi/ vnd füget das alt gesez zu dem neu
wen Euangelien. Aber wiewol das nit allwegen vnd
yeglichem geschehen kan/ vnd bescheert werdē/ sonder
lich dem/ dero nit vil geübt/ vnd in heiliger schrift erfa
ren. Doch weiß ich/ so einer Mattheū vnd Deuterono
mium gar außlißet/ das er einen mechtigen vnd tieffen
geist Christi in der schrift vff das wenigst richen würt/
vnd endelich dahin kommē/ das er versuchen würt/ wie
süß der geist Christi. Das sol er aber vor wissen/ das die
brüderliche gemeine lieb vnd gütigkeit (so im büch der
andern ee oder gesez/ vff tag gestelt) in Mattheo vff
einen tag/ vnd vff ein teglich Christlich lobē gericht ist.
Exemplum/ das Deuteronomiū im. xv. capitel dem si
bende iar/ vnd vergeben gelt schulden hat gesagt/ das
sollen die Christen alle tag halten. Dan wir habē nichte
mer/ dan einen tag/ nach dem geschriben. Nec est dies
quā fecit dñs/ exultemus et letemur i ea. Das ist der tag

in de
stöl
Vo
wol
es ni
auf
wil/
bē ste
ralip
als d
C
tes/
hung
drieff
alle b
gödl
Die f

Das
sche b
wird

Dise
and
den n

in dem alle Christliche brüder ein gemeine freündliche
fröligkeit haben/vnd sollen keinen arm lassen bleiben.

Von disen/welche (von ersten zu lesen seind) wölt ich
wol ein eiges büchlin machen. Aber dise materien leide
es nit/doch welcher einen schönen geist des glaubens/
auf Historien schöpffen/vnd Paulū darzu vergleichen
wil/das vnser seligkeit nicht in werckē/sonder im glau
bē steet/der lese das.xx.capitel in dem andern büch Pa
ralipomenon/vnnd der gleichen historien vnd bücher/
als die bücher der künig/Josue vnd Judicū ic.

¶ Endlich damit die einfaltige/die nach dē brot got
tes/vnd wasser/das Christus gibt/verlangē haben vn
hungern aber dürsten/ein sicher vnuerdecktig schaff
driefft erlangen/hab ich für nutz vnd güt geacht/dz ich
alle bücher/so (an einige widersprechen) Biblisch vnd
götelich seind gehaltē/widerumb in einer figur repetirt
Die folget also.

Das seind die allerheiligste Bibli
sche bücher alts gesatz so die höchste
wirden haben.

i. Genesis
ii. Exodus.
iii. Leviticus.
iiii. Numeri.
v. Deutero.

Dise bücher gehöre in die
andere ordnūg/vnd besitzē
den namē der P. opheten.

i. Josue.
ii. Judicum vnd Ruth.
iii. Samuel. i. vñ. ij. Ke.
iiii. vñ. iiii. Regum.
v. Esaie.
vi. Hieremie.
vii. Ezechielis.
viii. xij. Prophetarum.

C

Sitt ordnung diser bücher be-
 helt die niderste stat/seint aber
 doch sond allzweiffel biblisch

- i. Job.
- ij. David.
- iii. Prouerbia salomō.
- iiii. Ecclesiastes eiusdē.
- v. Cantici cāti. eiusdē.
- vi. Daniel.
- vii. Sibte hatomine
 verba dierū. j. Pa-
 ralipome.
- viii. Esdre duo priores.
- ix. Hester.

Also mügen auch drey stelh oder ordnügen neuwes ge-
 sanz für augen gestellt werden/nemlich.

- | | | | | |
|---------------|---|---------------------------|---|---|
| Enā
gelii. | } | i. Matthei. | } | Dise bücher seint die aller höch-
ste/sonderlich die. iiii. Euāgeli-
en/dan in den selben redt Chri-
stus sein wort selber/vñ stirt vff
in seinen vatter. |
| | | ij. Marci. | | |
| | | iii. Luce. | | |
| | | iiii. Johannis. | | |
| | | v. Vñ Actue
Apostolorū | | |

Ander Ordnung.

Bücher/der negsten
 würden vnd krefftē
 nach Euangelischer
 maieffer.

- i. Epistel zu den Römern.
- ij. Zu den Corinthern.
- ij. Zu den Galatern.
- ij. Zu den Ehesiern.
- ij. Zu den Philipensern.
- ij. Zu den Colossensern.
- ij. Zu den Tesselonicensern.
- ij. Zu Timotheo.
- ij. Zu Tito.
- ij. Zu Philemonen.
- ij. Alle des Apostel Pauli.
- ij. Die erst sant Peters.
- ij. Die erst sant Johannis.

Dise Episteln seind on einigs widerred/von den apo-
steln (wie angezeigt) geschriben/derhalben/vnd dweil
sy das wort Christi vnd götlichen willen erkleren/vnd
vns an heilsame schrifft binden/vnd ist vngezweyffelt
das sy den botrenläuffer Christi züsteen/habē sy die an-
dere stät der würden.

Dritt Ordnung.

Die folgende bücher/hab ich in das drit glid/Biblis-
cher schriften derhalbē gestelt/das vō iren werckmeis-
tern gezweyffelt wirt/vñ noch nit allenthalbē beschlos-
sen/wer oder welche/sy geschriben oder gemacht. Ich
hab sy aber/solichs zweyffels halben nit von Biblischer
ere vnd würden dürffen entschliessen vnd werffen/dann
ich sihe bey Kriechischen vnd Latinischē lerern/das sy
(doch mit vndercheid/wie vor gesagt) als heilige Bib-
lische schrifft geacht/genent/vmnd gebraucht werden.
Vnd wan die lerer vff einen teyl vallen/so sprechen sy/
das wir syben Catholicas/Canonicas et Apostolicas
haben/sy sagen auch/das sant Paulus die Episteln zü
den Hebreern gemacht/vñ sant Jacob der Apostel/die
Epistel welche in der Biblien geschriben/ Item sant
Peter.ij. vnd sant Johannes der Apostel. iij. vnd sant
Judas der Apostel ein Epistel gemacht haben. Aber
was von dem büch Apocalypsis zühaltten sey/hab ich
nit verhalten/das ich nit glaub/das der Johānes/wel-
cher ein Apostel genant/vnd das Euangelium Johan-
nis/vnd drey andere Epistelen sol geschriben/hab ge-
macht. Vrsach/das gedachtes büch/noch art/noch ge-
mit hat/der andern bücher/so von Johanne dem apo-
stel aufgangen/vmnd ye ein merckliche andering des
stili/das ist/des fatem vnd tüchs/der red vñ der krafft
die sich in Apocalypsi ereygen vnd beweyfen thät/die

Apocalypsis.

Salomō.
es eiusdē.
att. eiusdē

ominie
ii. j. Pa

priores.

üwes ge

aller höch
Euāgeli
redt Chri
ñ für vff

rn.

n.

sfern.

ali.

is.

red ist anders/so ist das ingenium anders/vnd ist dem vierdē büch (das 2^{te} vndergelegt) einlicher vñ gleycher/dañ den büchlin Johannis. Derwegē/vnd dweil es so sere dunckel/vnd mit gewulcken der gesicht verdecket/Kan ichs schwerlich zñ Biblischē schrifftē setzen/aber doch/dieweil ich den ersten Canonem vnd begriff Biblischer bücher/so dem neüwen testamēt zugehöret/noch nit hab zñhandē gehabt/vnd Apocalypsis zñ den büchern des neüwen gesätzes angebundē/wil ich nicht vrtailen/vnd yetz ein figur der Biblischē bücher letstes grads auch zeigen/also.

i. i. Epistel zñ den Hebreern.

ij. Ein epistel Jacobi.

iiij. Die andere Epistel Petri.

v. Die letzte zwo Johannis.

vi. Eine Jude.

vij. Vnd das aller niderst büch/ Apocalypsis Johannis des Theologen.

Nun folgen die Apocryphen altes vnd neüwes gesätzes/der sich die kirch/gegen starcken feinden/nit gebraucht/vnd also sy nit erkendt/Nemlich.

i. Sapientie.

ij. Ecclesiastici/das die kugeln geistlich zucht nēnen.

iiij. Judith.

v. Tobie/des sich etlich erdichte betler/den armen zñ schaden/behelffen.

vi. ij. bücher Machabeorum/des gebrauchen sich die pfarhern/pro requiem eternam/vnd pro dona nobis/wider bawren.

vij. Baruch ist ein schreiber Hieremiae gewest/vñ hat güt red. Dise bücher gebranchē etliche Juden zeiten(wie wir Augustinū vnd Hieronymū/vnd der gleichen/in in schreiben vnd disputiren fürtragen)

ist dem
vñ gley
nd dweil
ht verde
en setzen/
d begriff
gehört/
is zu den
ich nicht
er letztes

Johan
iwes ge
n/mit ge

ot nenen.
armen zu
n sich die
dona no

f/vñ hat
nden ze
/vnd der
tragen)

vnd nennen sy heilige bücher/aber kein verstandi
ger gebraucht sy/als vnd für Biblisch.

- vij. Das gebett Manasse.
- viii. Zwey letzte bücher/so Esdre mit freuel zů geschri
ben/werden offtmals von Hieronymo verlacht/
vnd abwizig vnd doll red genent.
- ix. Ein gůt reyl/Des. iij. capitels Danielis verlachen
etlich/vñ spottre der Christen mit dem gesang der
iij. Kinder/die in feurigen ofen sollē gesungē habē.
- x. Die ij. letzte capitel Danielis/Nemlich die histo
rien Susanne/von dem abgott Bel genant/von
dem Drachen vnd Abakuck.
- xi. Das letst capitel Marci.
- xii. Die Epistel die man Pauli(zu den Laodiciern)
achtet/ist gar verworffen.

Das hab ich kůrzlich/wie obgemelt/geschribē/damit
anzeigung zů thůn/das ich euch vnd dē eůwern/sonder
lich dē doctor vñ meister/eůwren brůdern/zů dienē vñ
wilsarē allzeit gewertig vñ gůtwillig wilbereit erfuns
den werde. Grůsser mein gůnder im Calh/vñ lebēt wol.

Folgent notabilia. sein zu wurff.

¶ Für das letst sollē etlich notabilia gemerckt werde.

Das erst/das der Papsst vnuergleicher weiß/minder
ist/dañ die Biblische schrufften/vñ er sol im das Ne in
nitaris prudentie tue/nicht weniger lassen gesagt sein
dan dem allergeringsten hantwercks man.

Das ander/sag ich/vñ ist war/das Biblische schruffte
ein gemein Conciliũ überwindt/vnd so ein bawer vom
pflug/dem Concilio ein schruffte kůnt zeigen/das sein sũ
gũt/vnd des Cōcili bōß were/so solt das Conciliũ dem
bawren weichen vnd ere geben/von wegen Biblischer
schruffte.

C iij.

Für das drit ist zu mercken/das Biblische schrifft wie
diger ist/dan die Chrißliche kirch/vnd dz sich die Chriß
liche kirch/nach heiliger schrifft richten/vnd leben vnd
halten sol/vnd nicht widerumb/die schrifft nach der kir
chen leben vnd sich denen sol.

Für das vierd sag ich mit ernst vnd warheit/das ein
yeglicher/der kirchen/von wegē heiliger schriffe glau
ben sol/vnd nit der schrifft derhalbē glauben/das sy in
der kirchen geübt/dan wir glauben Biblischē büchern
das sy der heilig geist zu der kirchen geredt. Alhie höre/
das der Bapst dise red Augustini(To crederē euāgelio
nisi crederē ecclesie) vnrecht vnd wider meinung Augu
stini/mit dem höre zu seinem vortel gebraucht/Dan er/
zeucht sy dahin/es solt keiner der schrifft glauben/das
sy gerecht vñ warhafftig vnd gut ist/er glaub dan der
kirchē. Das ist Augustino wol in sechs enden zuwider/
dan er sagt/das man durch heilige schrifft ein ganz vñ
voltömē Conciliū straffen kan/vnd ist das sein gemüt.
Durch anzeig heiliger kirchen lere ich/das diß aber ein
ander büch Euangelisch oder nit Euangelisch ist. Der
wegē heit der Bapst sein ketzerisch Bull wol zu andern
sachen gebraucht/dan das er sich über die schrifft über
heben vndersegt. Ich sag klar/das diser Bapst Leo ist

Leo ketzer.

ein ketzer/vnd erbiert mich das mit schrifften zu bewei
sen/vnd alle die im in solcher sach/seiner Bullē anhen
gig sein/die seind in der vermaledeung/ban/acht vnd
anathema gottes/vnd Chrißlicher kirchen seind.
Für das fünffte/ist zu merckē/das ich gemeyner sūbüg
nach gefolgt hab/in dē wort Biblischer bücher/dā wan
man spricht/das steet in der Biblien/helret vnd achtet
yedermeniglich/das dasselb in den büchern beschlossen
sey/darinn der Chrißlich glaub abgemalt vnd außge
druckt. Weil dan vnuerborgē ist/das vnserē bücher die

wir 2
wir d
sche
lische
Zu
isch C
heisse
geln
schen
glau
prop
gen.
vnab
ir go
sond
hand
die v
genō
walt
nen/
der g
c. iij.
Inge
besch
güte
schri
ditio
ner d
wür
irris
glau
gene

wir Biblien nennen/vil frembd bücher habē/in welche
wir den glauben nit sollē sūchen) hab ich (damit vnder
scheid zū machen) etliche bücher Biblisch/etlich vnbib
lische benent.


Zū dem sechste merck/das die Biblische bücher krich
isch Canonici/latinisch regulares/zū teütsch regeln ge
heissen werden. Derhalbē/das sy form/massen/vnd re
geln des rechten glaubens seind/vnd das wir keins mē
schen wort sollen für ein regel vnd richtmaß Christlichs
glaubēs achten/sonder allein gottes wort das er in die
propheten vnd aposteln geredt vnd gegeben/vns zūsa
gen. Den Paulus spricht also ad Thessa. ij. wir sagē got
vnablesslich danck/das ir ein lere angenōmen/dadurch
ir got habet erkant/das ir nit einen sermon der mēschē/
sonder wathastiglich ein sermon gottes empfangen
hant. Das sol mir der Bapst wol merckē/das Paulus
die von Thessalica lobt/das sy kein mēschen gesetz an
genōmen/derhalbē thut der Bapst heiliger schrift ge
walt/dz er sein hellische Secretalē lasset Canones nen
nen/dan sy seind nicht regel der Christglaubigen/sond
er gleyßner. Der heilig Paulus breyset Timotheū. ij.
c. iij. das er die heilig geschribten vō kind vff erkant/die
in gelert macht durch den glauben zū der seligkeit/vnd
beschleust/das der mensch volkommen werd/zū allen
gütern wercken durch götliche lernung. Nun ist die heilig
schrift/den Christen gnügsam/so seind Bapstliche tra
ditionen überflüssig vnd vnnütz. Folget auch/das kei
ner durch Bapstliche statuten zū der seligkeit gefürt
würt. Ja der teüffel henck sich (an meiner statt) an des
irrischē gottis Decretlin/dan sy seind ye kein regel des
glaubēs/sollē auch gar nicht Canonice oder Catholice
genent werden.


Im iar M. D. xxi.

Faint, illegible handwritten text, likely a manuscript page, possibly containing a list or account. The text is arranged in several columns and is significantly faded and difficult to read.



... 1 fe apmatis ...











7

6

Welche bücher
heilig vñ Biblisch seind.

Diz büchlin leret vnder

scheid z
lisch
n

And on

